



Geschichte der geistlichen Stiftungen, der adlichen Familien, so wie der Städte und Burgen der Mark Brandenburg

[Urkunden-Sammlung für die Orts- und spezielle Landesgeschichte]

Riedel, Adolph Friedrich

Berlin, 1857

XXXII. Ein vertrag Bischoffs Ludwigss zu Brandenburk zwischen der kirchen zu Brandenburk vnd dem Closter himmelpforten vonwegen dess Zehend In den Dorfern Storkow, Rudow, Tangersdorff, Redelstorff, ...

Nutzungsbedingungen

[urn:nbn:de:hbz:466:1-54745](https://nbn-resolving.org/urn:nbn:de:hbz:466:1-54745)

ac ordinis supradicti, Vniuersis, ad quos presentia peruenerint, Volumus esse notum, diffensionem seu altercationem, que inter nos parte ex una, ac religiosos uiros, uidelicet dominum Abbatem et conuentum monasterii Celiporte parte ex altera, de quibusdam aquis seu stagnis, hiis uocatis nominibus, scilicet Grotekelle, Lütkekelle, Lutteke Carstauel, Krummenfe, uertebatur, hoc modo esse terminatam placitis interuenientibus ac sopitam, quod predictas aquas seu stagna ad dictos dominum Abbatem ac Conuentum monasterii supradicti, prout suis priuilegiis demonstrare poterunt, presentibus libere recognoscimus pertinere et omnem impetitionem, quam contra predictas aquas aut stagna mouebamus, totaliter remittimus nullis temporibus repetendam, ac ei per presentes renunciamus penitus et expresse. In quorum omnium testimonium presentia nostris sigillis ac supradicte domus Gardowe fecimus communiri. Datum et actum in ciuitate Lychen, Anno domini M^o CCC^o XXXVII^o, in die beati Nicolai, confessoris et pontificis; Presentibus testibus idoneis, uidelicet Ottone de Deuuitz, Lippoldo dicto Bere, Alberto de Warborch, militibus, et aliis quampluribus fide dignis.

Auscultata et Collationata est hec presens Copia cum suo uero originali sigillato et incorrupto per me Erasmum Seidell, supradictum Notarium publicum, et concordat cum eodem de uerbo ad uerbum, quod attestor hac mea manu propria.

XXXII. Ein vertrag Bischoffs Ludwigs zu Brandenburk zwischen der kirchen zu Brandenburk vnd dem Closter himmelforten vonwegen des Zehend In den Dorfern Storkow, Rudow, Tangerisdorf, Redelstorf, Zuzen, Sommerfelde, Brufenwalde, Rutenberge, Lyniezere, Carstauel, Lutken Thiemen vnd Garlyn u. s. w.

In nomine Domini Amen. Quoniam ea, que geruntur in tempore, simul cum fluxu temporis euanescent, nisi recipiant uoce testium aut scripti memoria firmamentum: Idcirco habundantis cautele suadet utilitas, ut qui uult piis muneribus seu oblationibus aut donis consequi salutem, ipsa tradere studeat memorie posterorum per scripta. Hinc est, quod nos Ludewicus, Dei gratia Brandenburgensis Ecclesie Episcopus, notificandum duximus presentium inspectoribus uniuersis tam presentibus quam futuris, Quod ecclesie beate Marie uirginis in Celiporta ac fratribus ibidem deo famulantibus, de pleno consensu et approbatione nostri prepositi Thyderici ac totius Capituli Brandenburgensis ad hoc specialiter, ut moris est, uocati et presentis, in remissionem nostrorum peccaminum decimas seu administracionem decimarum cum fructibus earundem Vniuersis, uidelicet de uillis eorum, que huiusmodi nominibus appellantur: Storkow, Rudou, Tangherisdorp, Redeldorpe, Zuzen, Sommeruelde, Brufenuolde, Rutenberche, Lyniezer, Karstauel, Lutkentymen, Garlyn, quas in nostra Diocesi obtinent et omnibus suis pertinentiis et appendiciis et generaliter de omnibus bonis eorum nunc atque sitis, scilicet de curiis seu allodiis sic nuncupatis: Stolp, Thyemen, siue tales curias per se excoluerint, siue aliis dederint ad colendum ad firmam, siue in uillas redigant cum molendinis, Vineis, ortis, Virgultis, pratis, pascuis, siluis, mericis, stagnis, paludibus, lacubus, piscinis, riualis, agris cultis et incultis, insulis, animalibus et eorum nutrimentis, cum omnium predictorum pertinentiis et utilitatibus, que inde nunc emergunt aut futuris temporibus sunt emerfura, Super quibus olim inter nos et ipsos materia contentionis extitit suborta. Tandem uero hinc inde assignatis rationibus pro parte alterutra et priuilegiis Marchionum Ottonis et Johannis beate memorie, qui pro tempore fuerunt, in me-

dium productis, quod inuenimus ipsam Ecclesiam beate Marie Virginis in Celiporta eandem decimam ex iusto titulo interueniente fundationis et donationis dictorum marchionum, qui et dictam decimam ecclesie nostre in certis bonis et possessionibus copiose recompensauerunt et refuderunt et in tanto, quod nec nobis nec nostris successoribus aut nostre Ecclesie potuerit deperire seu aliquid lesionis imminere et a tempore, quo non extat memoria, in contrarium legitime perscriptisse, amicabilem Compositionem concorditer intercessit inter nos nomine dicte Ecclesie nostre et eosdem fratres nomine sue dicte Ecclesie, ipsamque decimam cum suis pertinentiis omnibus et appendiciis, ut est premissum, remittentes presentibus causa pietatis et pro alimonia pauperum fratrum in ipsa ecclesia Celiporta degentium, ipsisque libera ac perpetua donatione pro maiori securitate et cautela meliori in forma et iure, quibus possumus, contulimus, conferimus atque damus sub quieta possessione perpetuo possidendam, abnegantes omne ius scriptum et non scriptum, editum et edendum, quod in predictis decimis habere uidebatur, Ita uidelicet, quod neque a nobis neque a nostris successoribus Episcopis neque a prepositis, qui pro tempore fuerint, neque a Capitulo Brandenburgensi super predictis decimis, a nobis gratuito donatis, neque a nostris successoribus generaliter omnibus, predicti fratres de Celiporta secundum morem terre aliquo ingenio uel colore inpetantur, seu quouis modo molestentur, saluis tamen Episcopalis denariis a Rusticis sepeditorum fratrum de Celiporta secundum morem terre nobis dandis annuatim; Exceptis mansis, que ex arena per flatum uenti super inducta deserti aut alio quouis modo inculti iacuerint, de quibus nobis aut nostris successoribus dicti Episcopales denarii non dabuntur. Prefatam collationem decimarum facere decreuimus, ut exinde nostri memoria ac successorum nostrorum a predictis fratribus de Celiporta in monasterio eorum perpetuo peragatur. Hanc itaque donationem nostram discernentes firmam haberi et perpetuis temporibus inconuulsam et a nullo penitus irritandam, ipsam presenti scripto ac sigillorum appensionibus, uidelicet nostri nostrique prepositi Thyderici, nec non Capituli nostri Brandenburgensis, beniuolo seu uoluntario consensu eorum accedente, de nostra ac ipsorum certa scientia fecimus communiri. Huius rei testes sunt: dominus Thydericus, prepositus, Dominus Thydericus Kotho, Dominus Johannes de Magdeborch, Celerarius, Dominus Gheuehardus de Stechow, Canonici in Brandenburg, Dominus Thydericus, officialis noster, Fredericus, notarius noster, Dominus Gumpertus, miles dictus de Aldenhufen, Venerabilis pater Dominus Hermannus, Abbas in Lhenyn, fratres Volpertus, prior, Dominus Nicolaus, antiquus Abbas et burfarius, Thydericus, celerarius ibidem, ad hoc specialiter uocati et rogati, et alii plures fide digni. Acta et data sunt hec Anno M^o CCC^o XLII^o, Epacta XII, fundatione X., concurrente primo, Quinto ydus Aprilis, in Sygezere.

Auscultata et Collationata est hec presens Copia cum suo uero originali per me Erasmus Seidell, supradictum Notarium publicum, et concordat cum eodem de uerbo ad uerbum, quod attestor hoc meo proprio Chyrographo.

XXXIII. Eine fundation vnd Stiftung eins Altars Hertzog Johanns zu Mekelnburk In dem Closter Himmelpforten zu der Ehr Gottels, Seiner Weerden Mutter Marien vnd Aller lieben Heyligen, Dozu geben f. f. g. dy Schulten-Pacht vnd den Schulten mit XII Hufen Im Dorffe zu Pudewall mit aller Zugehorung vund gerechtikheit.

Allein dat alle Creaturenn Gott pflichtich findt thu louenn, also die Prophet spricht, Her David, doch findt die ghene defs plichtig, de mer vonn der mildenn handt Godefs hebben ent-